

紀念余先生一一〇歲冥誕（一八九八—二〇〇八）

余家菊先生日記手稿

財團法人台北市
紀念余家菊先生文教獎學基金會

紀念余先生二〇歲冥誕（一八九八—二〇〇八）

余家菊先生日記手

財團法人台北市

紀念余家菊先生文教獎學基金會

余家菊景陶先生論著第七輯 ——余家菊先生日記手稿

作 者：余家菊

倡 印：財團法人台北市紀念余家菊先生文教獎學基金會

發行人：劉勝欽

出版者：財團法人台北市慧炬出版社

地址：10656台北市建國南路一段270巷10號

電話：(02) 27075802

傳真：(02) 27085054

網址：www.towisdom.org.tw

電子信箱：tow.wisdom@msa.hinet.net

郵政畫撥：19182176 慧炬出版社

登記證：行政院新聞局局版台業字第1415號

承印者：鴻霖印刷傳媒事業有限公司 (02) 27407766

版 次：中華民國97年7月 初版第1刷（精裝1000本）

訂 價：新台幣600元整

版權所有・請勿翻印

TORCH OF WISDOM

No. 10, Lane 270, Sec. 1, Jianguo S. Rd.

Taipei City 10656, Taiwan, R.O.C.

Tel: 886-2-27075802

Fax: 886-2-27085054

web: www.towisdom.org.tw

E-mail: tow.wisdom@msa.hinet.net

ISBN 978-957-518-167-3

國家圖書館出版品預行編目資料

余家菊景陶先生論著. 第七輯, 余家菊先生日記
手稿 / 余家菊作. --初版. --臺北市: 慧
炬, 民97.07

面: 公分. -- (慧炬文庫: 6016)

ISBN 978-957-518-167-3 (精裝)

855

97012928

序

莊南田

——紀念余家菊先生一一〇歲冥誕

余公家菊，字景陶，光緒二十四年西元一八九八年出生於故鄉湖北省黃陂縣。髫齡從塾師讀經史子集，穎悟過人，執筆為文，每有佳句。大學畢業後留學英倫，成為教育界學貫中西、博古通今之俊彥。今年西元二〇〇八年，適逢先生一一〇歲冥誕，「紀念余家菊先生文教獎學基金會」特出版余先生著作第七輯——日記手稿，以紀念一代賢哲的誕生，並緬懷先生對民主政治與傳統文化成就的奮進不懈和卓越貢獻。

景陶先生既遊歐陸，對西方自由民主之風尚，與夫國富民康之情景，印象深刻；慨歎己之家邦，外有列強環伺，內有軍閥混戰，經濟凋敝，民生困苦，茫茫前路，不知伊于胡底！

先生豪情萬丈，以仁人志士之心，思救國家於危亡，登同胞於衽席，壯懷迸發，於焉開展其一生立德、立言、立功之不朽勳業，而贏得教育家、政治家、愛國

思想家，作家等稱號。

寫作乃先生之常課，晚年為目疾所苦，仍堅持不停筆，其所成之書，汗牛充棟。「基金會」自民國七十三年起，即重版先生著作第一輯七種：《教育原理》、《中國教育史要》、《孔子教育學說》、《孟子教育學說》、《荀子教育學說》、《陸象山教育學說》及《教育與人生》。

為紀念先生逝世十周年，於民國七十五年出版先生著作第二輯十種：《中國人文檢論》、《人類的尊嚴》、《人生之意義與價值》、《人生對話》、《中國倫理思想》、《孔學漫談》、《論語今解》、《大學通解》、《領袖學》及《五十回憶錄》。民國八十二年出版第三輯：《余家菊景陶先生回憶錄》。八十六年紀念先生百歲冥誕，出版第四輯《余家菊景陶先生教育論文集》上、下冊，共有短篇論文三十九篇。接著於民國八十九年出版第五輯，合《教育原論》、《訓育論》、《師範教育》、《鄉村教育通論》等四書為一鉅冊。民國九十年又出版第六輯《中華文化要義》，分（一）（二）冊，共有論述八十三篇。

先生著作之豐，難以數計，有的早在大陸出版，有的在戰亂流徙播遷中散軼。先生哲嗣前教育部次長余傳韜，陸續於篋藏中整理出先生日記手稿十三本，連同先生民國三十一年在重慶中華大學授課之講義「教育哲學」及文稿二十二篇，由

基金會出版《余家菊先生論著》第七輯：日記手稿。

日記乃一個人人生旅程及生活點滴之忠實記載，尤其，先生在重慶時任國民政府參政會參政員之職，又是「中國青年黨」創黨元老之一，中華民國實行憲政時，先生擔任該黨總指揮，周旋於「國民黨」黨、政高層要員之間，日記資料可佐證還原歷史真相，彌足珍貴。再者，日記中先生治學、進德修業之論敘，字字珠璣，擲地有聲。而其對周遭人事物所作的評斷，有如秦鏡高懸，一字之褒，一語之貶，均足以令頑廉懦立。

星移斗轉，時代在急速改變，但即使大地陸沉，先生的道德文章，依然綻放耀眼光芒。

茲值第七輯編纂校審竣事，付梓之前，謹書數語以為序。

紀念余家菊先生文教獎學基金會

董事長

莊育田

中華民國九十七年四月九日

余家菊先生日記手稿 目錄

序	I
紀念余家菊先生一一〇歲冥誕／莊南田	 I

余家菊先生日記

一、觀物齋日記——廿年至廿二年	 一
二、嚴肅雍容——廿六年二月至六月	 三一
三、丁丑日記（三）——廿六年七月至十一月	 一〇三
四、西僑日記（一）——廿七年九月至十一月	 一六一
五、僑西日記（二）——廿八年一月至三月、十二月	 一七七
六、臨汝日記——卅三年九月廿二日至卅四年三月卅一日	 一九五

七、臨汝日記（乙酉）——卅四年四月一日至十月廿四日	二四一
八、知非日記——卅五年十月廿八日至十一月十一日	二六五
九、聞政日記（一）——卅六年五月十一日至七月廿二日	二七三
十、聞政日記（二）——卅六年七月廿三日至十月九日	三〇七
十一、聞政日記（三）——卅六年十月十日至卅六年十二月卅一日	三三九
十二、聞政日記（四）——卅七年元旦至卅七年六月十六日	三七七
十三、默齋日記（二）——卅七年八月卅日至十一月廿五日	四三七

教育哲學

.....

四五七

文稿

.....

五三七

後記／余傳韜

.....

五六九

觀物齋日記

廿年至廿二年

六月一日

南京政府公佈訓政時期約法，廣州政府已樹立數日矣。

船山論窮究寶憲之黨有曰：憤姦邪之馳騁，快誅殛於一朝，博流俗之踊躍，及其反也，還以自戕而戕國。處循環戰亂之今日，於中流人士，不寬其利祿之途，除其反動之名，勢無以激其濯磨自新，而勉為循軌之民也。

六月二日

一日之失計，百年之變起，一舉之不慎，全局因以傾覆；所謂知幾，其神者，非察微知著之士，不足以知之。幾動於念，念宜於言，言見乎行，遏行轉念，賴有人

言，言之不擇要害，喜為枝節之糾摘，亦徒以取怨而償事耳。

六月三日

船山有言，謀天下之大，僅恃一奇以求，必得其容，可哉？善謀天下者，規模定乎大全，而奇正因乎時勢，此居易俟命之論，非行險僥倖者之所知也。立言偏主繩下，則政趨嚴迫，而人心散，精神枯矣！

六月四日

湛靜安舒者戒於後時，廣心浩大者戒於遺忘。

君子之愛身也甚於愛天下，未有身自溺而能拯入之溺者也。

六月六日

寬柔溫厚之德衰，人皆跼蹐。以循吏之矩矱，雖有英特之士，摧其生氣以即於瓦合，尚奚恃哉。謀國者當作育人才，俾其鳶飛魚躍，各適其性以盡其能也。

六月七日

交君子以道，給小人之欲，孤游於六合而荊棘不生。人非盡君子也，概交以道，則眾不來；人非盡小人也，概結以利，則賢不親。

師大教四學生，離別宴上曾告以勿怕餓，勿怕罵。周孝懷謂：欲逆潮以全己，當常捲舖蓋而緊束腰帶，正合前言。

擬綜合史乘，抽繹原理，而撰為「中國政治學」。

八日

大有為者必須審幾，幾亦易審矣。惟迂疏之士執一理以忘眾理，則失之。狂狡之徒見其幾而別挾一機，則尤失之。苟能淡泊瑩潔，文理密察以臨之，雖不中不遠矣！

九日

物激矣而持之以定，勢危矣而居之以安，遠嫌消疑以自全，道在此矣，惡用希合意旨，巧為機詐哉。

十日

唐制，三公總大政於上，六省典機務於中，九寺分庶政於下。今之國務院似三公，

各部似九寺，而國務員則以六省而兼管部務也。若設不管部國務員，則機務得精心考量之人，而調劑持平於各部之間，亦有攸賴矣。

十一日

宰長本地，乃毀法賊情之政也，法與情不兩立，亦不可偏廢。同里之人，或為父兄，或屬親故，一旦乘權居位，而執法以繩，於是五倫賊，仁心喪，而民競於權勢矣。今日各縣，司法雖趨獨立，而政令之牽執，賞罰之施予，究不能少，仍無以減毀法賊情之弊也。

唐制，軍國大事，中書舍人各陳所見，謂之五花判事，此會議之始也，雜判行則公論伸，益以集而權弗能擅。

十二日

郭汾陽戰功不及李光弼，而威望過之，蓋其情平，可為則為，不可為則止，坦然無我，以受外來之順逆而無所容心，與天下相見於冰融風霽之宇，桀傲之徒皆氣折而心灰矣。

十三日

議論當詳及始末，徧察屈伸，精審步驟而再宛轉以陳之，開朗以啟之，總期意消氣靜，使人樂受以無疑。

十四日

對公眾談話而迎合其心理情緒，此政客之伎倆，雖不足以當先覺之任，善用之，要不失為循循善誘之一術。

十五日

君子貴道德而賤功名，然後坦然以交於上下，而永保其貞。

十九日

船山謂讀書成癖者有三淫：曰色淫、聲淫、志淫。今之具有歷史癖者，當可名為智淫。

八月二十四日

袁紹殺田豐，為田豐謀善，不用招敗，恐見笑也。士富於謀略，不擇人而言，允為殺身之道。據先賢行狀，紹固志存匡救，紹起義，卑辭厚幣以聘之而始出者也，甚矣，出處之難也。

權力慾之伎毒，可以使人滅親族，殘骨肉，歷史事例數見不鮮。袁尚之盡殺紹妾家族，亦一例也。

予本年既決不教書，則當思所以修學之道，茲定自課日程如下：

1. 早起讀史數則，以觀事變，隨作日記。
2. 譯書作文，以謀生活，兼償文債。
3. 午飯後習字讀詩，以強文藝能力，兼資涵泳。
4. 處事訪友，以保持人世關係。
5. 肆力經世之學，以便異日之用。

二十五日

曹操之擒陳宮也，殺之意已決，而猶相語平生。呂布粗人，轉而求活，終不免死。宮獨自分一死，侃侃無所屈，惟於母女之生存，則以仁孝之說激操，使操雖欲害之而不得，可謂善處奸雄者矣。

二十六日

意大利建國三傑：加里波的勇敢熱烈、堅苦卓絕之愛國軍人也，不得而學焉。其敝衣一襲、破帽一頂以終身，則可得而學者也。瑪志尼以偉大的精神教導國人，加富爾以穩練的才識轉旋國運，是皆可得而學者也。瑪志尼之言，曰取勝之道，唯有捨身、捨物質的樂利，捨目前的樂利而已。加富爾之持身處事，一以沈著慎重、縝密溫和、忍耐出之，皆志士之圭臬也。而純潔寡慾、堅忍銳進、磨練準備，則三傑之所同然，成大事者之所不能自外者也。

二十七日

匈牙利獨立之敗也，由於古魯家之驕橫，而噶蘇士之輕免其職，亦決裂之導火線也。革命軍人與革命政治家，誠哉，皆不易為也。

二十八日

呂布一自利無恥之人耳，王允利其疑慮董卓之心，而用之以殺董卓，故小人須善用之。

二十九日

天下分崩，妄人並起，然亦有不盡出自己意者也。張邈之事是也。邈與操善，無離異心，而陳宮以私意教之，卒至殺邈，甚矣，負時望者不可不慎也。雖然，相善於貧賤，及至當國而欲友善以終，不可能也。邈、曹操、袁紹，三人相善，操既殺紹，邈雖始終從操，終亦見殺耳。甚矣！有能者之難於自保也。

二十年三月一日

去秋，師大學生再四邀挽回校任課，終以教授待遇、講師名義而回校。先是一月間，黨人爭奪北平教育局，於華北日報揭登青年黨名單，此單即十八年元旦予被捕入獄案內，為北京同志所遺露者也。北平教育局長王捷俠名適在內，國民黨人以攻王之故，揭佈名單，且於青年黨時有詆毀，同志見而憤之，有主打者。時予主持北京黨部，中央嚴令不得妄動，王撫洲奉命來視察，亦力主忍耐以保全社會地盤，便利工作之進行。予以撫洲來之次日往中央，面述人情激昂，如欲予貫徹中央忍耐意旨，須給予一令，否則當為地方意志之是從。中央允隨即照辦，予即歸京，詎予歸之次日，撫洲歸去竟主激烈，中央委撫洲為臨時緊急行動三路總指揮。予聞而訝